



## Suega Aoao Tausaga 13 a Samoa

# GAGANA SAMOA 2018

## PEPA FESILI ma TALI

Taimi Faatulagaina: 3 itula & 10 minute

### FAATONUGA

1. E 10 minute e faitau ai ae lei amata ona tusi au tali.
2. Tusi manino lau **Numera Aoga** i le pito i luga o le itu taumatau o le itulau lenei.
3. Tusi tali i avanoa ua saunia i totonu o lenei Pepa Fesili ma Tali.
4. Afai e manaomia nisi pepa mo au tali, fesili i le Faisuega mo ni isi pepa faaopoopo. Faapipii pepa faaopoopo i itulau talafeagai o le pepa suega.

ALAFUA MO MATAUPU AOAONA	Itulau	Taimi (min)	Togi
ĀLĀFUA 1: GAGANA – FAITAUGALAU 1	2	14	8
ĀLĀFUA 2: A'OINA O GAGANA – FAITAUGALAU 2	4	40	22
ĀLĀFUA 3: FAAMAUMAUGA MA FETUFAAIGA GAGANA FA'AMAUINA MA TUSITUSIGA	9	50	28
ĀLĀFUA 4: FAAAOGAGA SA'O O LE GAGANA SAMOA	18	43	24
ĀLĀFUA 5: AGANU'U MA AGAIFANUA	22	8	4
ĀLĀFUA 6: TA'ALOGA MA FA'AFIIFIAGA	23	25	14
<b>AOFA'IGA</b>		<b>180</b>	<b>100</b>

SIAKI lau pepa poo atoa uma itulau mai le 2-26.

**TAUAAO LAU PEPA FESILI MA TALI I LE FAISUEGA PE A MAEA LE SUEGA.**

**ILOILOGA O LE GAGANA O TUSITUSIGA**

**Faitau manino le tusitusiga olo’o i lalo ona tali ai lea o fesili olo’o mulimuli mai.**

Lagona me’eme’e ma ne’ene’e  
 I va’asi’i na folau ma fa’ae’e  
 O va’a lava na fauao faupō  
 Na fuafuataga ma malu i le faletō  
 Lenei la ua pale ma tuta  
 Tautai a’e, ua mafatotoga lou va’auta  
 Si’i ane laia i lona si’itaga  
 Ma sa’ausi lou faiva i le Papa i Galagala

Alii e! o oe lava o le Sili’aga.  
 Fa’atoetoe ane lau muliola mo Fuaga.  
 Fatu se pese ma ōli **ni** taga.  
 Ua **lē** ‘ole lea i ou faiva Fa’atufugaga.  
 Se ua tonini tonana ua umufono talatala  
 E! ua mālō le sua ua malie mata i āu āga.  
 Sāga’i ane ia ‘ai o ōu faiva manaia,  
 Ma vili lau foe ua a’e lau fa’atautaiga.

“Tautai e! o oe lava o le Matua o faiva”

**(Tusia e: Leva’a Alāelua Va’alepu Samoa J Utuva)**

1. Laina 12, i le fuaiupu lua o le solo e iai upu olo’o vase lalo. Ta’u mai le vaega o le Gagana e iai upu olo’o vase lalo.

ni : \_\_\_\_\_

lē : \_\_\_\_\_

Tomai ‘ausia 2



ILOILOGA O LE GAGANA O TUSITUSIGA

Faitau manino le tusitusiga olo’o i lalo ona tali lea o fesili olo’o mulimuli mai.  
Fa’aaogā avanoa ua saunia e tusi ai lau tali.

**“O FAIVA A LE FAFINE MAPOMEA”**

1. O le lalelei, o le tofi o le fafine matagofie auā a ū mai luma ua o se ‘aiga fa’alala, a ū mai fo’i tua, ua o’o lona malama i Saua. A’o le fafine ua iai le alofa, ua iā te ia le mamalu ma le tausa’afia. E āmanaia o ia i le va’ai ma taualoa i fua o ona lima. E vagavagaia o ia e lona aiga. O lana tane fo’i ma lana fanau, latou te talosia ona aso auā ua sili o ia nai lō le oloa tautele ma le asoa **‘ila’ila** ua fa’amamanuina.
2. A iai se tinā lelei i se aiga, o se aiga māopoopo. O le aiga māopoopo fo’i, o se aiga fiafia auā e molimau faiva a le fafine mapomea e tu’umoe ma ālaāla fa’amatua moepō. A sipa fo’i le lamaga, e ‘tsā i le tafulu ma le lē mamate e pei o le upu i le tamāloa A’ana.
3. “Kafēfē! Ai gei fo’i e momoe momoe feala a’e kā’ape ae leai gi fe’au e faia i le gei aso.”
4. O le agi sālulululu lea a le olomatua o Uefa i si ona to’alua le toea’ina o Moetau ma si ana fanau o Lino ma Ene, le la lava e milimoe fa’alalava a ua taupaletū le la.
5. O nisi taimi, e matuā si’isi’i ai le tai ma lualuta agiga o fāsaga a si olomatua pe a tu’uloloa fa’asuaga a si toea’ina ma tāligā ai i nisi o tauafiafi. E laulogo tulu’iga ma fagumoega le vai’a’ai ae pā le galu fatio’o na faūa lī’aga o le tai.
6. “Ka igoigo e, ua fai mā oe le ‘aisau ma le makakiaiala i pō. Ua mafua lou leaga fa’apēgā oga o lou fialelei ua sasao fa’aāfi. Fai ā. O le fili ā o le kama o le gase.”
7. O Uefa, o le olomatua e talafa’avi’ivi’i ai tagata o le nu’u. “Leaga lava le fafine e mata’utia le lelei. Se olomatua lava inā fa’amāōpoōpo mea ma tō’aga.” O tala ia a tagata e atili ai ona fa’aselu le olomatua o Uefa i si ona aiga. E salusalu ma fufulu le fale. E vele le vao. E fa’amamā ma ta’alao le otaota ina ne’i mea ane afeaina le maota e ni mālō taupeau.

8. O nisi taeao, e alausu ai le olomatua e tufi le malili o le po i tuāfale ma teu lona togālaufala olo'o i luga a'e o le ālia-tuā'oi e fa'amalumu iai le mauga tūtasi o Āotaloto, lea e iai le ālao'o o Pisaga mai le malumu o le nu'u o Sāvavau.
9. A o'o i le aoauli i le falala o le la, ona fa'ase'e lea o le olomatua i le gataifale i le māui atu o le tai. E tui le sea ma fao le tuitui. E fasi foi le faisua ma laga tāpiga ae eli mai le pipi e vai'aiga ai le aoauli. A totoe le faiva a si fafine mapomea, ua salani ai le po.

**O se vaega o le tala; "O Faiva a le Fafine Mapomea."  
(Tusia e: Alofipō Siligāmanaia Sitama Horisona Lofipō)**

4. Palakalafa (1): O le upu 'ila'ila olo'o vase lalo olo'o i le tulaga o le soānauna.

Tusi mai sau fuaiupu e fa'aaogā ai le upu ilaila i lona tulaga o le veape po'o le upu galue.

---



---



---

Tomai 'ausia 1

5. Palakalafa (9): Ta'u mai le vāega tonu o le Gagana olo'o iai le 'upu olo'o vase lalo.

---

Tomai 'ausia 1

6. Palakalafa (8): Ta'u mai le itu'aiga tai olo'o fa'atatau tonu i ai le faiva a si fafine mapomea.

---

Tomai 'ausia 1

7. Palakalafa (2): "A sipa fo'i le lamaga, e 'īsā i le tafulu ma le lē mamate..."  
Fa'amatala manino mai le uiga o lea laina e fa'atatau i le uiga olo'o i le 'autū.

---



---



---



---

Tomai 'ausia 2

8. Palakalafa (3): “Kafēfē! Ai gei fo’i e momoe momoe feala a’e kā’ape ae leai gi fe’au e faia i le gei aso.”

Toe tusi mai e oe le Palakalafa (3) i le Gagana Tusitusi sa’o ma talafeagai.

---

---

---

---

---

---

---

Tomai ‘ausia 2

9. Fa’amatala mai i sou lagona le uiga moni o le ulutala. “**O faiva a le fafine mapomea.**” ma aumai se pine oi le tala e lagolago ai lou manatu.

---

---

---

---

---

---

---

Tomai ‘ausia 2

10. Tusi mai ni Upu o Taimi se **tolu** olo’o tā’ua i le tusitusiga.

---

---

---

---

---

Tomai ‘ausia 3

11. Palakalafa (4): Olo'o iai le upu "**agi sālulululu...**" Ta'u mai le uiga o le upu agi sālulululu ma fa'amatala manino mai lona uiga tonu olo'o fa'aaogāina i le tusitusiga. Aisea?

---

---

---

---

---

---

---

---

---

---

Tomai 'ausia 3

12. Palakalafa (1): "A'o le fafine ua iai le alofa, ua iā te ia le mamalu ma le tausa'afia." Liliu e oe le fa'aupuga lenei i le Tuale.

---

---

---

---

---

Tomai 'ausia 3

13. Palakalafa (6): “Ka igoigo e, ua fai mā oe le aisau ma le makakiaiala i pō. Ua mafua lou leaga fa’apēgā oga o lou fialelei ua sasao fa’aāfi. Fai ā. O le fili ā o le kama o le gase.”

Toe tusi mai e oe le Palakalafa lenei i lona uiga faigofie e fa’atatau I lona uiga moni olo’o i le ‘autū.

---

---

---

---

---

---

---

---

---

---

Tomai ‘ausia 4



I. **GAGANA FA'AMAUINA**

- Filifili se **Tala Pu'upu'u** (Tala Pupu'u) **po'o** se **Tala Moni po'o** se **Tala Fatu, Pese po'o se Solo** na e su'esu'eina e tali mai ai le vaega leni.
- Fa'aaogā na'o tala, solo po'o pese olo'o fa'amauina i le Fa'asinoala.
- **A tusi lau tali, ia aofia ma manino vāega nei;**
  - Itūaiga Tala.
  - Igoa o le Tala.
  - Igoa o le Tusitala po'o lē na Fa'aliliuina.
  - Fa'amatalaga o manatu 'Autū.
  - Mālamalama i le tala (fa'ata'ita'iga ma pine mai le tala)

**Fesili Muamua:**

Fa'ailoa mai se **sao tāua o le tagata 'autū** na maua ai le **'auga** o le tala, po'o le pese po'o le solo, a'o le ā fo'i se **lu'itau** o lea **'auga** i le **'aufaitau** ma le **soifuaga i nei aso.**

**TALI:**

Itūaiga Tala: \_\_\_\_\_

Igoa o le Tala: \_\_\_\_\_

Igoa o le Tusitala po'o lē na Fa'aliliuina: \_\_\_\_\_

---

---

---

---

---

---

---

---

---

---

A series of horizontal lines for writing, consisting of 28 evenly spaced lines.









## II. TUSITUSIGA

### Fa'atonuga:

- Filifili se 'autū se TASI e tusi ai lau tusiga.
- Umi o le tusiga e 100 – 150 'upu.
- E tāua lou faitau muamua i vaega e togi i ai lau tusitusiga, ina ia aga sa'o i ai lau tali.

### **'AUTŪ:**

- (i) Tusi sau finauga e ave i le nusipepa, pule oe pe e te lagolagoina pe e te tete'e i le 'autū. "Pe ua talafeagai ea ona fai lafoga a Faife'au e pei ona pasia ai e le Palemene a Samoa.?"
- (ii) Tusi Fa'amanatu: Ua mātauina pea le tuai so'o mai o nisi o tamaiti i le ā'oga. O oe o le Puleā'oga ua e sauni e ave le tusi fa'amanatu (memorandum) i matua e uiga i le fa'asalaga pe a fa'atolu ona tuai mai se tamaititi i le ā'oga.
- (iii) Ripoti o se Fonotaga: O 'oe sa fai ma sui o lā outou ā'oga i le fono a ta'ita'i (prefects) o Kolisi uma i Samoa e talanoaina ai ni auala e taofia ai le taua'imisa o tamaiti ā'oga i ta'aloga. Tusi mai sau ripoti o lea fonotaga e fa'amatala au'ilili ai vaega uma sa outou talanoaina.
- (iv) O oe sa teu ai tupe a lā outou vasega. E o'o ane i le fa'aiuga o le tausaga ua uma ona outou fa'aaogāina ma au uo le tupe. Tusi sau tusi fa'ato'ese i lā outou vasega, e tusa ai ma le mea ua tupu.

**Numera o le 'Autū ua Filifilia:** \_\_\_\_\_

---

---

---

---

---

---

---

---

Lined writing area consisting of multiple horizontal lines.



---

---

---

---

---

---

---

---

---

---

---

---

---

---

---

---

---

---

---

---

---

---

---

---

**Mo le Togipepa**

<b>25</b>	<b>26</b>	<b>27</b>	<b>28</b>
2	2	2	2

I. FUAI'UPU FA'A'UMA

Faitau ia malamalama muamua i le uiga o le fuai'upu ua tusia atu muamua, ona fa'a'uma mai lea e oe i au lava 'upu le fuai'upu lona lua ua tusia atu lona amataga. la maua e le Fuai'upu Fa'a'uma le uiga tonu o le fuai'upu muamua.

29. "O lenā ua outou silasila mai ua matou le tu'ua lava ni lelei ae avatu ni masei."

Fuai'upu Fa'a'uma: Ou te lagona ma le agaga

\_\_\_\_\_  
\_\_\_\_\_  
\_\_\_\_\_

Tomai 'ausia 2

30. "Ia mafuli a puou ma ia pa'ū se toa ae tula'i se toa."

Fuai'upu Fa'a'uma: O manū na o

\_\_\_\_\_  
\_\_\_\_\_  
\_\_\_\_\_

Tomai 'ausia 2

31. "Ia to'esea ā nu'u potopoto."

Fuai'upu Fa'a'uma: Ou te talosaga atu

\_\_\_\_\_  
\_\_\_\_\_  
\_\_\_\_\_

Tomai 'ausia 2

**II. AVANOA FA'ATUMU**

**Faitau ma fa'atumu avanoa i upu talafeagai.  
E tofu le avanoa ma le upu e tasi.**

Fai mai le anavatau a Samoa; "la lia'i le futi ae totō lona 32 \_\_\_\_\_

la suatia fo'i le 33 \_\_\_\_\_ ae totō lona 'ata." O lona uiga, o sulī o nei  
e tutū mai ā taeao pe a lelei ona putiputi ma fa'afailele. O Sulī Tupolata, e tautoto ma so'oivi  
auā o le gafa e tau i le 34 \_\_\_\_\_ ae lē o le fusiga, a'o Sulī Sa'otā  
po'o Tamafai o tama ia na 35 \_\_\_\_\_ 'ese'ese.

**III. FA'AUIGAGA**

**Faitau manino palakalafa olo'o i lalo ona tusi lea o uiga faigofie o upu olo'o  
vase lalo.  
Fa'auiga sa'o upu olo'o vase lalo i uiga tonu olo'o fa'aaogā i le palakalafa.**

- 36.** E faigatā tele le olaga i le aiga ua ou ola ai nei auā e lē gata ina ū tagata uma, ae o  
le u fo'i latou ia, ma ua avea lea ma mea e pei ai ita o se ū gāpēpē e lolo lava i le  
āgi a le matagi. E lē so'ona si'īa sota vae po'o se lima. A ota mana'o fo'i, e tau  
fa'anoi lota ola auā o le ola lava ua pule esea.

---

---

---

---

---

---

Tomai 'ausia 3

37. O le fa'amoemoe sa **taufala'ula**, o lea ua **mālō āfua** ailao ua maua ona o le **puletō** a le Atua o mālō.

---

---

---

---

---

---

---

Tomai 'ausia 3

IV. **FELIUA'IGA O LE GAGANA**

Feliua'i le palakalafa olo'o i lalo mai le **Gagana Fa'afailauga** i le **Gagana o Aso Uma**.

38. Ua malomaloā le maota ona o le tōfā ma le fa'autaga ua fetogia'i fa'asoi o tuā'oi e uiga i le sala a le taule'ale'a matua olo'o moemai e le'i fa'alanua lava. Lea la ua i'u ina si'isi'i ai le tai ma sosopo le manuvale i le fogātia ae lē se'i seu silasila ane auā e āu i le tauola e āu fo'i i le fagota, ma e lē aogā fo'i le va'ava'ai laumata.

---

---

---

---

---

---

---

---

Tomai 'ausia 4

Feliua'i le palakalafa olo'o i lalo mai le Gaqana o Aso Uma i le Gaqana Fa'avi'ivi'i.

39. Le paia e o lenā itū, o lea ua o matou va'ava'ai atu ma le totō'a, se ua tau leai ni upu e fa'afetaia ai lō outou alofa. Ua outou lē tu'ua lava ni mea lelei ae aumai ni mea fa'alēlelei, a'o lea ua o matou mautinoa, e moni ma fa'amaoni lo outou omai. Se ua malie le loto,ua malie le agaga.Ua malie mata i va'ai ma taliga e fa'alogo auā ua ulufia i le loto lō outou agalelei. Fa'afetai le alofa.

---

---

---

---

---

---

---

---

---

---

---

---

---

---

---

---

Tomai 'ausia 4

Faitau manino fesili ona tusi lea o lau tali i avanoa ua saunia.

40. Ua masani Sāmoa i le fa’a’upuga e fa’apea “ E sui faiga ae tumau fa’avae” O lea fa’a’upuga olo’o fa’atatau i le Aganu’u ma ona fa’atinoga.

**Fa’amatala au’ili’ili ou manatu e fa’atatau i lea fa’a’upuga ma ia agatonu i fesili nei:**

- (i) E te ioeina lea fa’a’upuga? Aisea?
- (ii) O ā faiga o le Aganu’u ua sui ae o ā ona fa’avae olo’o tumau pea?

---

---

---

---

---

---

---

---

---

---

---

---

---

---

---

---

---

---

---

Tomai ’ausia 4

I. TA'ALOGA

- O le vāega lenei e taliina mai i Ta'alogā Fa'asāmoa.
- Tali Numera 41 – 44 i avanoa ua saunia.

41. Fa'amatala mai le 'ese'esega o tulaga nei o le Talōto ma le Tauloto i le ta'alogā o le Kirikiti fa'asāmoa.

---

---

---

Tomai 'ausia 1

42. 'I se ve'a o le ā mu le afi. Ta'u mai le uiga moni o lea fa'a'upuga.

---

---

---

Tomai 'ausia 1

43. Lisi mai ni fa'a'upuga se lua e maua mai i le ta'alogā o le Tāgati'a.

---

---

---

---

---

Tomai 'ausia 2

44. Tusi mai ni fuitau se **fa** e maua mai i ta'alogā e fa'atatau i le 'auga e fa'apea;

**"O lea ua taunu'u manuia le fa'amoemoe"**

Tomai 'ausia 4

---

---

---

---

---

---

---

---

---

---

---



II. **FA'AFIIFIAGA**

(6 togi)

- O le vāega lenei e taliina mai i Fa'afiafiaga Fa'asāmoa.
- Tali Numerā 45 – 46 i avanoa ua saunia.

45. **"A mālīe le pese ua mālīe fo'i le sa'asā'aga."**

Fa'amatala manino mai se lagona olo'o momoli mai e le fuaitau olo'o ta'ua i luga ma 'aumi se upu oi le fa'a'upuga e pine ai ou manatu.

---

---

---

---

---

Tomai 'ausia 2

46. O le 'ula o le la'ei e fa'aaogā i fa'afiafiaga fa'asāmoa moni. Tusi mai igoa o 'ula a tagata ta'ito'atasi nei pe a sa'asa'a i fa'afiafiaga.

(i) Taupou: \_\_\_\_\_

(ii) Manaia: \_\_\_\_\_

(iii) Tulāfale: \_\_\_\_\_

(iv) Tamālī'i: \_\_\_\_\_

Tomai 'ausia 4

Nūmera Ā'oga									

## GAGANA SĀMOA

2018

(Mō le Togipepa)

ĀLĀFUA	TOGI	TOGI 'AUSIA	TOGI AOFA'I
ĀLĀFUA 1: VAEGA ESEESE O LE GAGANA	8		
ĀLĀFUA 2: A'OINA O LE GAGANA	22		
ĀLĀFUA 3: FA'AMAUMAUGA MA FETUFA'AIGA	28		
ĀLĀFUA 4: FESO'OTA'IGA I ALAFA'ASALALAU	24		
ĀLĀFUA 5: AGANU'U MA AGAIFANUA	4		
ĀLĀFUA 6: TA'ALOGA MA FA'AFIIFIAGA	14		
AOFA'IGA	<b>100</b>		